



21. juni 2025

Avaaraq Olsenip oqalugiaataa Ullortarsuarmut atatillugu

20 Uagutsinnit siulliullutik maani Issittumi nunaqartut, siuligit, nuna manna
ineriartortitseqataaffigisimavaat uagut maani inuuginnarsinnaanissarput
qulakkeerniarlugu. Nunami pinngortitagissaartumi peqqarniissinnaasumili
uumaannarnissamut pisariaqartinneqartut tassaapput *ataqatigiinnissaq* aamma
nukiit tamarmik *tunniussaqaqataallutik kivitseqataanissaat*. Taamaattumik
25 naak ullumikkut nunatut, aammali kommunitut, inuttullumi ataasiakkaatut
killiffigit assigiinngitsutigut imaannaangissinnaasutut
taaneqarsinnaagaluartut, taamaattoq aamma inuiaqatigiittut kommunitullu
killiffitsinni nukittuffigisagut ullormi matumani ersarissarusuppakka.

30 Taakkuummata aqqutini suniluunniit qaangiiniarnissatsinnut nukinnik
aallerfigalugillu ataatsimoorfigisartakkagut. Inuiaqatigiuvugut
ataatsimuullaqqissut, ikiuukkumatuut, kulturikkut nukittuumik inissisimasut,
naleqartitatsinnik takutitsillaqqissut kiisalu qanorluunniit
35 aqqusaagaqaraluaraangatta taqitsitassaanngitsut. Soorlu ullumikkut maani
nikorfanitta tamanna uppersarsaraa.

Nunatut nammineerusuttutut inissisimatilluta, kommunimi uagut innuttaasut
pillugit sulinitinni sapinngisamik ataqqinnittumik ataqatigiissumillu
sullissinissarput ukkatararput, sumiiffinni assigiinngissutsit ataqqillugit,
40 inissaqartillugit peqataatillugillu. Kommunitut nukittuutut inissinnissamut
innuttaasut nukittuut pisariaqartippagut, tamannalu aallartittarpoq
meeraanermiit pitsaasumik toqqammavissilluarneqarnikkut, kiisalu inersimasut
akisussaaffimmik tigusillutik maligassiuinerisigut. Taakkununga sinaakkutit
pitsaasut pilersinniarlugit kommuneqarfitsinni meeqqanut ilaqutariinnullu
45 nutamik politikiliornitsinni meerartatta pisariaqartitsisut ikiorneqarnerisa
saniatigut ilaqutariit tamarmiullutik ikiorneqartalernerat siusissukkullu
iliuuseqarnerit ukkataragut. Borgmesteritut kommunimi qinikkat
sinnerlugit innuttaasuusutit sutigut tamatigut peqataatinneqarnissarsi
tusaaneqarnissarsilu pingaarteqaakka. Qanimut oqartussaaqataaneq
50 angusinnaavarput aatsaat peqatigiikkutta, peqatigiikkaangattami nukiit
siunertamut eqqortumik aatsaat atorsinnaalersarpagut angusassanullu
pilertornerusumik qanillattorsinnaalersarluta.

Uani qinigaaffimmi nutaami atuutileqqammersumi, inuup
55 kiffaanngissuseqarneranik, aamma inooqataanikkut nammineerluni
inuunerminik ilusilersuisinnaalluni akisussaassuseqarneranik upperinninneq
tunngavigalugu, suleqatigiinnissamik isumaqatigiissuteqarpugut. Tamanna
aamma isumaqarpoq innuttaasut sumiikkaluarunilluunniit naligiimmik
periarfissinneqarnissaat pingaartikkiptut. Kommunitut alloriaqqinnissatsinnut
60 nukiit piginnaanerillu pigisagut atorluassavagut inerisaavigeqqissallugillu.
Taamaattumik nukigut akaareqatigiinnermut, ataqeqatigiinnermut
kivitseqatigiikkusunnermullu saatillugit immitsinnut siuariartortissaagut.

Inuiaqatigiittut susassaqatigiittuartsuutimavugut, tamannaavorlu aamma
65 suniluunniit aaqqiissutissani tamaginni qitiulluinnartoq. Kommunitinni
susassaqarfiit assigiinngitsut peqatigalugit kommune nukittoq
pitsanngorsaanerillu pisariaqartut ingerlatissavagut. Inuussutissarsiortut,

kajumissutsimik suliaqartut, kikkulluunniit innuttaasut tamarmik peqatigiilluta
70 kivitseqatigiinnissarput qulakkeersinnaavarput aporfissaasinnaasut
pivallaarnagit kisiannili periarfissanut, aaqqiissutissanut, pitsanngorsaatissanut
ineriartorfissanullu tappikkutta. Upperaarami tamatta tunniussassaqtugut
iliuuseqatigiissinnaasugullu, aamma ataatsimut tapersersoqatigiinneq
aallaavigalugu kattukkaangatta, soorlu timersornerup iluani, nukik
75 pilersittagarput qanoq angitigisarnersoq takusareerparput misigisareerlugulu.
Taannalu nukik pilersittagarput ulluinnarni timitalimmik aamma
pigisariaqaripput isumaqarpunga.

Naggataatigut ullormi matumani inuiattut ullorsiornerisinni oqaatigerusutama
80 ilagaat Kommuneqarfik Sermersuumi – Kitaaniit Tunumut –
sineriammeersunik innuttaasorpasuaqarfiusumi, siuariartorneq ineriartornerlu
pilersittagarput assut tulluusimaarutigigakku. Anersaaq taanna pigalugu
siunissaq kingulissatta kingornutassaar pillugu patajaatsumik sulissaagut,
immitsinnut kaammattoqatigiinneq, nersualaarnek, upperineq
85 ikioqatigiinnerlu atorlugit. Taakkuummata inoqatitta suli pitsaanerusumik
inissinnissaannut sunneeqataasartut. Kommunitisinni unammillernartut
akimorlugit takorluugaqartarpugut mikinngitsunik, soorluttaaq aamma Nuuk
tassaalersikkusukkipput Issittumi kulturikkut illoqarfiit pingaarnersaat.
Taamatut oqareerlunga naqissuseqqiinnassavara kommunitisinni tamavissi
90 pisariaqartinneqarassi, aammalu kommunerput ilusilersortuassavarput
tamatsinnut kinguaariinnullu tullernut najugaqarfigiuminarsarlugu.
Pisussaaffitta tassa pingaarnersaat. Nuannaarutigaa maani peqatigalusi
inuiattut ullorsiornerput erfalasuttalu ukiunik 40-nngortorsiornerani inuiattut
tulluusimaarutigisatsinnik kinaassuseqarluta ulloq manna
95 aallarnersinnaagatsigu.

Tamassi uummammik pisumik inuiattut ullorsiornerisinni pilluaqqigitsi
ullorsiorluarisilu!

100

Kilde

Manuskript taget fra sermersooq.gl med tilladelse fra udgivelse.

Kildetype

Dokumentation på online medie

105

Tags

Festtale

URI

<https://www.dansketaler.dk/tale/avaaraq-olsens-tale-i-anledning-af-gronlands-nationaldag-2025>

110

115

120

125

130

135

140

145